






Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
Hielmst. 2127 8° (LN 17)







Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
Hielmst. 2127 8° (LN 17)





Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
Hielmst. 2127 8° (LN 17)




Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
Hielmst. 2127 8° (LN 17)











~~118 8~~



Odae sacræ va -  
RIIS CARMINVM GE -  
neribus conscriptæ, quarum  
catalogum uersa pa -  
gella osten -  
det.

Autor Ioannes Blaccus Danus.

Addita est in fine precatio ad Deum pro his Ecclesiæ &  
Reipub. temporibus, carmine Heroico.



P A R I S I I S

Apud Nicolaum du Chemin in uico D.Io.Lateranensis,  
sub signo Gryphonis argentei .

I 5 4 9.

CVM PRIVILEGIO.



## Catalogus.

- 1 *Ad Reuerendissimum ac illustriss. Principem ac Dominum, D. Carolum Lotharingum Cardinalem Guisanū, Gratulatorium.*
- 2 *De festo natalis Domini, ode sapph.*
- 3 *De tribus Regibus, ode sapph.*
- 4 *Signa quibus obRegis obfirmatum animum cōflicta-  
ta est Aegyptus, ex capite Exod. 7. usque ad caput. 13.  
ode sapphi.*
- 5 *Concio Mosis & Aaronis qua infirmos suorum animos  
confirmant, Ex cap. exod. 14. ode sapphi.*
- 6 *Επιὶ νικίῳ Mosis quod cecinit transmissio mari rubro op-  
pressis hostibus, exod. 25. ode tricol. tetrastrroph.*
- 7 *Carmen paschale historiam, ad liberationem in nouo  
testamento per Christum factam, accommodans, & de  
resurrectione.*

*In sequentes psalm. paraphrasis.*
- 8 *Psal. Quare fremuerunt gentes, ode sapph.*
- 9 *Psal. Domine quid multiplicati sunt, ode dicol. distroph.*
- 10 *Psal. Cū inuocarem, ode dicol. distroph.*
- 11 *Psal. Verba mea auribus percipe Domine, ode tricolos  
tetrastrrophos.*
- 12 *Psal. Domine deus meus in te speravi, ode dicol. distr.*
- 13 *Canticum Magnificat carmine sapph. redditum.*
- 14 *Precatio ad Deum pro liberatione à malis quibus hæc  
Ecclesiæ & Reipubli. tempora conflictantur, carmine  
heroico.*



AD REVERENDIS. AC  
illustriss. principē D. Carolū Lotharingū,  
Cardinalem Guisanum, Gratulatorium.



Vid referam primū ? quis læti carmi-  
nis orsus ?

Quo tandem patriæ contester gaudia  
uersu ?

Denique quo Diuū celebrem pia numi  
na cultu,

Tristia qui tali recrearunt tempora plausu ?

Omnia lætitia replentur, Gallia triplex

Quæ patet, in laudes & ludos soluitur omnis.

Hei uereor tanta ne rerum mole fatiscens,

Succumbat gracilis tali sub pondere Musa.

Gratulor ergo tibi Romanæ gloria sedis,

O præsul, tanti qui nobis gaudia plausus

Attuleris, Latio tandem qui saluus ab orbe

Adueniens, patriæ adportas lucemque decusque,

Diuinos meritò quibus es cumulatus honores :

Qui quantum humanis præstant cœlestia, quantum

Corpore mens, tantò sunt omnibus anteferendi.

Magna fuere olim Romæ data præmia laudum,

Viribus atque armis si quis successibus utens,

Imperium Latij late protenderet orbis,

Qui que ageret magnos demicta gente triumphos:

Huic festos celebrare dies, & ponere ludos,

A ij



Mos erat, immo etiā Diūm decernere honores.  
At quanto melius, præsul dignissime, quanto  
Rectius ista tuis reddantur honoribus, ut qui  
Aeterno patriam decoras splendore, tuosque  
Aeternis meritis, aeternis laudibus ornas?  
Illa etenim uanis constabat gloria rebus,  
Tūm duce fortuna, tūm multo sanguine parta,  
Hac nullo peritura die, cœlestia spectat:  
Vnde tibi meritis exultant cuncta triumphis,  
Excipiuntque suum redeuntem lata parentem.  
Assurgunt plauduntque tibi populusque patresque,  
Agmina doctorum cultissima corda uirorum  
Congaudent, cœloque ferunt tua nomina laude.  
Absentem tristi lugebant omnia uultu,  
Redditus es postquam, splendescunt omnia cultu,  
Vt sol cum rigidi capricorni sydera lustrat,  
Longius occiduis cœli regionibus errans,  
Omnia tristantur, nubes glomerantur & imbres,  
Terra gelu contracta nouo decus exuit omne,  
Et ueluti senio totus iam segnior orbis  
Languescens, mortale genus conuellit & angit:  
Ast ubi conuersos sublimi agit æthere currus,  
Ingnomósque retorquet equos ad sydera Cancri,  
Discutit informes hycmes, boreamque niualem  
Soluit, & auricomis informat dotibus annum:  
Rident prata suis distincta coloribus, arbos  
Lata suas protrudit opes, in palmitæ gemmæ  
Turgescent, nec cultus ager sua gaudia differt,  
Denique formoso iuuescunt omnia uultu,



Atque amissa redit rebus sua gratia cunctis.  
 Sic absens præsul clarissime, pectora nostra  
 Torfisti desiderio, nec ducere leta  
 Tempora passus eras patriam, quæ te sine dura  
 Fata putat sua, nec sine te consistere posse.  
 Nunc autem postquam redeuntis fama sub auras  
 Sparsa tui est, animis reparas noua gaudia nostris,  
 Fessaque corda metu recreas, recreataque mergis  
 Latitia: patriæque adeo solatia toti  
 Diuidis & firmas, quæ iam est sibi reddita postquam es  
 Redditus ipse tuis: sic redditus omnia reddis.  
 Sol niueis inuectus equis subit ardua cæli,  
 Nec prius absistit quam summa cacumina tangat,  
 Tu niuea uirtute Dijs cæloque propinquas,  
 Dum diuinorum fastigia nactus honorum,  
 Ecce subis magni Francorum limina Regis,  
 Vnde tuæ radios uirtutis spargis in omnes.  
 Sol magis atque magis cælo sua lumina profert,  
 Tu magis atque magis regno tua lumina profers,  
 Consiliis, lingua, fama probitate, fidéque.  
 Ille fugat tenebras, & noctem luce resoluit,  
 Tu rerum tenebras uelut alta nocte sepultas,  
 Disicis, & mentis diuina luce serenas:  
 Ille nouos terræ foetus producit & auget,  
 Tu foetus animi, tu semina religionis  
 Conseruas, doctos dum prouehis, erigis, ornas,  
 Atque omni ratione colis, ueneraris, amasque,  
 Denique sol uarijs operans effectibus, idem  
 Molliâ nunc durat nunc indurata resoluit:

A iñ



Tu prudens uarijs uarium te ostendis, & idem  
 Nunc dura emollis, nunc mollia pectora firmas.  
 Postremò radijs limū que lutū que subintrat  
 Ignea lux Phœbi, uitium neque concipit ullum,  
 Quod fœdam claris maculam splendoribus infert.  
 Sic quoque tu media quāuis uersaris in aula,  
 Improba nulla tuos uitiant contagia mores:  
 Quin potius medio ceu uita exposita theatro,  
 Exemplar probitatis ades, uirtutis imago,  
 Qua sic præluces, sic te ipsum uincis, ut isti  
 Plus ornamenti, qui nunc accessit, honori  
 Addas, quàm tibi honos, quāuis sit maximus ille.  
 ' Hoc demum uirtutis opus, mentis que probatæ,  
 ' Cùm locus est uitio, uitijs non frangier ullis,  
 ' Et sceleris purum sceleratos inter haberi,  
 ' Præsertim medio cùm floret uere iuuenta,  
 ' Quæ facile in præceps affectibus incita fertur.  
 ' Inter opes, inter Sirtes, Scyllam, atque Charybdim,  
 ' Difficile est rectum tenuisse per omnia cursum.  
 Non tibi fucatas transcribo carmine laudes,  
 In te nec stultum quæ uulgius laudat ado o:  
 Mitto genus, quo non aliud præstantius ullum,  
 Ut quod ab antiquo deducis origine Regum  
 Francorum, mitto formam quæ membra Deorum  
 Maiestate refert, mitto decus oris, & illud  
 Nescio quod toto dispersum corpore uernat,  
 Inuitumque trahit spectantem, atque allicit ultro:  
 In laudes maiora tuas referenda relinquis,  
 Te quibus inde adco à puero sic ipse probasti,



4

Omnibus, & tantis ornasti nomina rebus,  
 Ut natus factusque tuis uidearis ad alta.  
 Ingenium primum, quo uix praeclarius ullum,  
 Omnibus excultum studiis, atque artibus auctum  
 Ingenuis (quod rarum in eis spectaueris, alto  
 Sanguine qui nati, census & stemmata iactant)  
 Deinde animus celsus, qui tali sanguine digna  
 Concipiens nunquam sese inferiora cupiuit:  
 Nulla unquam uitam dissoluit blanda uoluptas,  
 Molliā nec sanctam subuertunt gaudia mentem.  
 Accedit canum iuuenili in corpore pectus,  
 Atque immaturo matura in pectore uirtus.  
 Quid, quod tam facilis perspergit gratia mores?  
 Atque adeo Ambrosiae spirans odor undique uitam  
 Condit, & à fastu semotam uindicat omni?  
 Iam quantus pietatis amor? quam conscia recti  
 Mens soli tua fixa Deo caelestia tractat?  
 Et ne (quod longum est) confectet singula, magnis  
 Quae diuisa alijs data sunt Heroibus, uno  
 In solidum collecta tenes uelut edita partu.  
 O quem te portum, fessis solatia rebus,  
 Expectat tantis Ecclesia fracta procellis:  
 O quanta est patriae spes addita, praesidiumque,  
 Quae tantis agitata malis, nunc sospite tutam  
 Omnia te moderante suam putat esse salutem.  
 Vne igitur Praesul cultissime, uiue, tuisque  
 Crescere perge bonis, perge omnibus esse saluti:  
 Denique perge uiam moliri ad sidera laude.  
 Fausta precor, Lachesis molli tibi uellere uitam



Dispenset, nulloque premat tua turbine fata.  
Secula Tithoni uideas, & Nestoris annos,  
Lataque post uitae conscendas tempora caelum,  
Quo tua te pietas & uirtus subuehet ingens,  
O patriae splendor, spes, gloria, summa, salusque.

Finis .

## IN FESTO NATALIS

Domini redemptoris nostri, ode  
tricol. tetrastrroph. qualis Horat.

lib. pri. carmi. ode. ix.

**M**Aiora uostro munere candidae  
Cantanda Musae: progenies noua  
Demissa caelo, regna sancta,  
Carminibus decoranda nostris.

Predicta magnis tempora uatibus,  
Noiueque partus aurea saecula  
Optata procedunt: ab alto  
Lumina clara micant olympos.

At tu canenti carmina suggere  
Hisque apta rebus pectora suffice  
O christe, & ora infantia, infans  
Natus & ipse, resolue nostra.

Primi ut parentes morsibus inuidi  
Serpentis icti, & per uetitum nefas  
Acti, graues iustasque in iras  
Iam pia numina concitarunt.

Heu qualibus quantisque malis genus

Inuoluit



5  
Inuoluit humanum, scelus impium,  
Heu qualibus merfit procellis:  
Qualibus implicuit ruinis.  
Infecta radix tota, propagine  
Virus per omnem distulit arborem,  
Ceu Colchicum fusum uenenum, aut  
Pestis in omnia membra labens.  
S Exultat insultatque iacentibus  
Amarus hostis uictor, & occupat  
Victos, rapit, uexat, trucidat,  
Imperioque premit nefando.  
At conditi seruans hominis Deus,  
Prædam trementem ex faucibus impij,  
Hostis reuellens, ad salutem  
Mox medicamina iusta monstrat.  
Semen futurum tempore quod suo,  
Serpentis atrum contereret caput,  
Virisque fractum & calce pressum,  
Conficeret furiale monstrum.  
His fulta uerbis sancta patrum fides,  
Hoc flagitauit turba Prophetica,  
Hoc barbaro sanctus petiuit  
Imperio populus subactus.  
Ceu sponsa sponsi tota in imagine  
Absentis hærens, anxia, tempora  
Subducit, infelixque turtur  
Sola domo gemebunda mæret.  
Iam uicta magnis corda doloribus,  
Opplorat, implens questibus æthera.



Sæpe has init, perfusa obortis  
Ora rigans lachrymis, querelas?  
Quid tanta profers tempora? quid moras  
Tot nectis aduentus? mihi secla tot  
Exacta desertæ, ingoque  
Pressa feror rapiorque duro.  
Furentium in me tanta ruit procumque  
Adulterumque effrena licentia:  
Vel ferreum expugnare possunt  
Pectus: ad hæc, quibus est tuendæ  
Meæ fides commissâ relictâ sum  
Prædæ, furores undique sæuiunt  
Prementis hostis, qui subinde  
Me miscras agit in ruinas.  
Disrumpe nubes, teque per æthera  
Demitte, & huius damna precor, leua  
Vergentis ætatis, salutis  
O reparator & author omnis.  
Iamque ordo rerum magnus, & ultima  
Labentis æui secula te uocant,  
Tam perduto afflictatus hoste,  
Aridus huc inhiabat orbis.  
His ergo uictus (quæ bonitas tua est)  
Mundo laboranti unica spes uenis,  
Mortalia immortalis ipse  
Sumere viscera non grauatus.  
Humana quæ uis altior ingeni,  
Mysterio huic par esse potest nouo?  
Quæ βάπτιστος non hîc profundum



Induerit meritò stuporem?  
Qui sum a solus continet omnia,  
Nostri misertus, tractus ad infima,  
Et infimos infra putatus,  
Solutus habet super omne nomen.  
Qui cuncta fecit, factus homo est Deus,  
Qui cuncta finxit, fingitur artubus,  
Qui cuncta nutrit, nutriendus  
Pendet ab uberibus parentis.  
Ceu ros tener descendit ab aëre,  
Aut mollis imber cœlitus ingruens  
Terram afficit, partumque sponte  
Proxocat, & gravidam relinquit:  
Sic tu uirilis nescia seminis,  
In membra lapsus uirginis integre,  
Virtute conceptus latenti,  
Aeditus es superas in auras.  
Stupent sacrata pectora uirginis,  
Stupetque pastor luce fruens noua,  
Stupent sonoris Angelorum  
Vocibus æthera pulsa latè.  
O quanta uoluens agmina contulit  
Dies bonorum, quo genitus sacrum  
O Christe mundo os intulisti,  
Dulcèque lac tener imbibisti.  
Tum flaua mellis flumina ab arduis  
Videre erat descendere montibus,  
Et illicem lac, saxa florem, &  
Fundere dulcia uina spinas.

B ij



**Tu** stirpem Iudæ sterilem domus  
Succo beasti & robore uiuido,  
Prodis uelut germen noucllum  
Ex ueteri tenerescit alno.  
**En** regna floreunt duce te noua,  
Nouæque leges, & noua pectora,  
Pudor, fides: surgétque toto  
Altera gens reparata mundo.  
**Vestigium** si quod sceleris manet  
Nobis uetusti, discuties procul,  
Soluens metu orbem, iamque serpens  
Sibila colla tumens, peribit.  
**Tu** iure nos natalibus inferes  
Redintegrato, & læsum hominis suo  
Loco sacramentum repones,  
Perdita restituens saluti.  
**Hem** quò ruis mundi furor impie?  
Quid clara rursus lumina nubibus  
Inuoluis? infestisque frustra  
Pectora consilijs fatigas?  
**Quid** si aue tentas excutere imperi  
Iugum? quid atro mergere funere  
Gunabla pergis sancta? & illud  
Tollere dulce leuamen orbis?  
**Non** iam Chimera nos furor ignea  
Terrebit, aut quæ belua centiceps  
Orbi imminet: nulla inferum uis  
Dira piis potis est nocere.  
**Capesse** regnum, tempus adest, Dei



7  
O sancta proles, occiduo uelut  
En nutat omnis consenscens  
Pondere, iam ruiturus orbis.  
O tanta uitæ pars maneat mihi,  
Factis canendis quæ ualeat tuis,  
Non me lyra Dirceus ales,  
Non fidibus superabit Orpheus.  
Sat ignium sat grandinis impiger  
Immisit æther, satque hyemis rigor  
Inhorruit: iam uernus orbi  
Sol rediens decus excitabit.

Precatio.

O Christe qui in mundum ueniens nouam  
Carnem induisti, nos ueterem exue,  
Prementibus præsentibusque,  
Pectora nostra malis repurga.  
Sanctisque custos tu stabulis ueni,  
Fures luposque à præsepibus tuis  
Arce, fuga, qui nos cruento  
Exagitant lacerantque dente.  
Funesta Martis prælia reprime,  
Cæcos furores, turbida tempora  
Compesce: tandem ut pace sancta  
Compositus requiescat orbis:  
Ter maximo sit maxima laus Deo,  
Qui pacis orbi munera contulit,  
Per filium natum, & fauoris  
Pignore nos sibi consecrauit.

B iij



## Ode Sapph de tribus Regibus.



Ol novos orbes relegens olymbo,  
Scandit, & mundi reteggit tenebras,  
Clara dum nostris propiora spargit  
Lumina terris.

Vnde res cunctæ uelut innouatos  
Induunt uultus, hyememque sensim  
Soluunt in formem, nouus imminentis  
Spiritus anni.

Quæ quidem cum sint oculis uidenda  
Subdita, & debent animos subire  
Motibus ueris, & ad altiora  
Tollere mentes.

Sol enim Christus ueniens ab alto,  
Se suis offert propius uidendum,  
Inuijs orbi tenebris sepulto  
Lumina præbens.

Quem petens, ne quò uaga mens aberret,  
En tibi cælo manifesta lucent  
Signa, qua authorem genitum salutis  
Nuncia monstrant.

Stella quam raptus cecinit propheta  
Spiritu, claros micat inter ignes  
Cælicos, uita peritura nunquam  
Lumina signans.

Hanc Magi quondam soliti ex Eoo  
Syderum cursus oculis natore,



8  
Ut uident flammās uomere, & stupendos  
Ducere sulcos.

Perciti rerum nouitate, cælo  
Quā prior cursum tulit illa, rectā  
Consequi pergunt neque enim carere  
Numine credunt.

Iamque peruentum Solymas ad urbes,  
Sedulū inquirunt, ubinam maneret  
Rex Iudææ, modò quem notabant  
Sydera natum.

Vidimus stellam regione cæli,  
Quā citos effert oriens quadrigas,  
Cognitis nulla ratione nobis  
Cursibus uti.

Mox: quis hic rerum nouus ordo? cursus  
Num Deus cælis alios nouabit?  
O noui salue noua stella nati  
Nuncia Regis.

Illius causa moniti uenimus  
Huc, uiam nobis præeunte stella,  
Debitos cultus, patriæque nostræ  
Dona ferentes.

Hanc ut Herodes bibit aure famam,  
Regis ad nomen timuit, uirósque  
Conuocat, querit, uapido sed urget  
Pectore uulpem.

Quin prophetarum ueterum peritos  
Consulens, tempus rogitat, locūque,



Regis edendi sibi cuncta poscens  
Ordine prodi.

Certa constabant ubi iam Tyranno,  
Aestuat quamuis rapido furore  
Cadis infandæ, tamen ista ficto  
Pectore fatur.

Principes, quæ uos pietas adegit,  
Disitas cursu peragrarè terras?  
Num uia tantos dubium est labores  
Numine duci?

Ergo iam stellis auibusque dextris  
Pergite, & cæptos celerate gressus,  
Atque adorando mihi de puello  
Certa referte.

Vix uiam ingressi, sua quæ reduxit  
Lumina, en claro redit acta tractu  
Stella, iter montes per inhospitales  
Præuia monstrans.

Bethlehem ducti simul ac propinquant,  
Arduum emensi spaciū uiarum,  
En domum, matrem, puerumque fixo  
Lumine signat.

Mox casam letis humilem subintrant  
Gressibus, proni puerumque adorant,  
Persicas illi, tria dona gazas,  
Mystica, promunt.

Aurum enim regi datur ut tributum,  
Thus sacerdotem celebrat, Deumque,  
Myrrha designat Domini futura

Mortis



Mortis honorem.

Angelo posthæc monitore noctu,  
Ne gradum ad sæuum referant Tyrānum,  
Per novos flexus rediere lati ad

Patria regna.

O uiri (sæu uos sapientiores  
More sæu nostro uocitabo Reges)  
Vestra qua tandem decorare laude

Nomina possim?

Hæc dies cunctis ueneranda sæclis,  
Qua nouum uobis noua regna portans,  
Sydus illuxit, cupidósque uera ad

Gaudia duxit.

Luminis claro radiantis ortu,  
Lumen æternum proprio uidetis  
Lumine, o uera modò quam tenetis,

Luce beati.

Prima uos nostræ fidei tulistis  
Munera, & cunabula credituræ  
Gentis à uobis repetita primùm

Orsa tulere.

Nullæ iter mentis nebula retardant,  
Nulla transuersos agitat procella,  
Nulla uos frangunt, retrahunt, grauântue

Mille pericla.

Stella uos cælo tenet usque fixos,  
Stella uos totos agit expeditos,  
Stella uos tutos per aquas rapit per

Saxa per ignes.



Nubibus quondam fuit implicata  
Igneis, ducens domini popellum  
Lux, sed hæc clavis radijs refulget

Intus & extra.

Lymphoto mentem iubare excitabat,  
Mysticis corpus facibus regebat,  
Ora Phæbeæ sua præferendo,

Lampadis instar.

Quem sacerdotum furiosa turba  
Reppulit, duos petitis per orbes,  
Prodigi uitæ: nona sic laceſſunt

Gaudia pectus.

Quæ quidem tunc cepta fuere tantum,  
Auctibus sed nunc solidis uirescunt,  
Quæ uices nullæ, neque fluxa mundi.

Tempora soluent.

Ergo qui calcas iter æstuosum  
Inuij mundi, sequere hos, nec erres:  
Rite confecto requies labori

Certa parata est.

Quod tibi quò sit magis expeditum,  
Fac, Magum sanctos imitere gressus,  
Et uiam toto uicijs relictis

Marte capeſſe.

Signa nec defunt, iter institutum  
Quæ regant, ceu quæ inferior uolunt  
Orbis hic, spectes, tua seu sub astra

Lumina tollas.

Precatio in eodem festo.



10  
O Sydus ô lux Chrifte fidelium,  
Magos micanti sydere qui regēs,  
Casus per omnes reddidisti.  
Finibus incolumes suorum.

Tu nostra uero pectora lumine  
Foue, hæcque uitæ tempora dirigens,  
Post exiliij tantos labores,  
Nos patriam reuoca ad perennem.

Vósque ô Magi, cæli tria lumina,  
Vestro iuuate hæc queso precamine,  
Meque hæc canentem posse saluum,  
Ad patrias remeare sedes.

*Signa & plagæ quibus conflictabatur  
olim Aegyptus. Exo. à cap. vii. usque  
ad cap. xiiii.*

*Ode sapphica.*

Monstra quæis quondam Dominus potentem  
M Fregit Aegyptum, furis coactus  
Regis, horresco referens, fugitque  
Territa Musa.

Namque proiectus baculus, stupendum  
En refert anguem, sinuosa lapsu  
Terga uoluentem: stupet ipse uisu  
Corda tyrannus

Quodque mirandum magè, quos Magorū  
Ars tulit ficta specie Ceraſtas,  
Deuorat uictor: redytque uirgæ  
Pristina forma.

C ij



Inde quàm lata est Regio, & Canopus  
Quà patet, uastum mare, stagna, riuos  
Imbuit sanguis: stetit unda crasso  
Pressa cruore.

Iamque Ranarum subeunt cohortes,  
Et replent cellas, penetraliumque  
Ambitus, mensas: strepit ampla fædo  
Regia saltu.

Excipit Ranas Sciniphum lues, quam  
Distulit puluis per inane sparsus:  
Morbido pungunt hominum gregumque  
Corpora morsu.

Sternit & terram rapido uolatu  
Orta Muscarum rabies, coacta  
Nube densantur, cupidisque tentant  
Omnia rostris.

Vixque muscarum pereunte labe,  
Ecce iumentum iacet omne stratum,  
Et greges pestis rapuit uel una  
Nocte peremptos.

Nec quies: terram cinis ex camino  
Lactus inuoluit: sacer ignis inde  
Aestuans, ægro populatur uista.  
Membra dolore.

Non Magi quicquàm potuere tale,  
Quin & hos ulcus tetigit, nec arte  
Carminum afflictis potuere membris  
Pellere pestem.

Pœna dum sauit, Pharaonem semissa



11  
Mente, promittit meliora, uerum

Illa ubi cessat, redeunt eodem

Corda superba.

Tum Deus lusus toties, potentes

Conuocat uires, rapidasque mente

Concipit flammæ, populoque duro ex

trema minatur.

Ergo ubi terras noua lux serenat,

Concutit cælum tonitru, rubenti

Dextera fulmen iaculatus, alta

Grandine mixtum.

Crederes cælum ruere omne, ab alto

Cardine euersum: grauiæ aut Gigantum

Sæcla tractari: solitisque solui

Legibus orbem.

Omne securos per agros repertum

Vis agens hausit: moriuntur herbæ

Ignibus tactæ: sonat icta uasto

sylua fragore.

His malis saltu facili locusta

Additur, pestem subigente uento,

Obtegit terram, reliquoque nudat

Semina fructu.

Quid, quod Aegypto tenebris coortis

Horror incumbit, manibusque densam

Nox agens molem teritur, fugans tres

Ordine lucas.

Vna iam demum superest, sed omnes

Plaga prædictas superans, nec ullo

C iiij



Temporis tractu similem ferebat  
Conditus orbis.

Luna bis septem uaga mense primo  
Cum facit noctes, celebranda sacra  
Mystici inſit Deus ipſe certis  
Ritibus agni.

Angelus noctis medio, coruſco  
Enſe deſauit, legiturque primus  
Ortus ad mortem, tegitur cruento  
Funere tellus.

Illius cladem miſeram quis unquam  
Explicet noctis? memorétue fando  
Funera? aut aequet lachrymis dolores  
Mortibus auctos?

Queſtibus cælum populus laceſſit,  
Et frequens Regem precibus fatigat,  
Ne Deo pugnet, ſuperumque iuſtas  
Prouocet iras.

Flectat afflictum gemitus ſuorum,  
Flectat exhaustum pauidumque regnum,  
Denique acceptæ miſeræque flectant,  
Vulnere mortes.

Moses & Aaron ſub trãſitum maris ru-  
bri infirmos ſuorum animos con-  
firmant. Exo. xiiii.

Non opus uerbis, manifeſta in oculis  
Cuncta uerſantur, manibusque ueſtris,



Quàm Dei semper fuerit potens huic  
Dextera genti.

Siccine obliti, Deus ut furentis  
Vos ab Aegypti manibus reuulsit?  
Quàmque dein dextro est iter insecutus  
Numine uestrum?

Vnde mirandum timor iste quorsum  
Vos agit, quid mens trepidat, quid hic uos  
Motus exercet: male grata tandem  
Ponite corda.

Quæ sibi sacræ potiunda genti  
Regna ueraci stabiliiuit ore,  
Quæquæ iam nobis ducibus petuntur,  
Certa manebunt.

Vos modò hæc certò retinete, quæ ille  
Certa promisit: mihi non timori est  
Hostis, à uestra timeo rebeli  
Mente periculum.

Sed loco clausos ferus hostis urget,  
Et fugæ non est dare terga: sumptis  
Impares armis: finite hæc, Deoque  
Fidite summo.

Illius uirtus, manus, & potestas  
Non loco clausa est, locus immò dextræ  
Illius tunc est, ubi spes salutis  
Omnis adempta est.

Cuncta quæ cælum, mare, terra, circum  
Circà habent, uestram famula ad salutem  
Se dabunt, hosti ueniunt superbo  
Istæ timenda.



Ergò deiectas renocate mentes,  
Spe, fide, firmis animis: ferocem  
Cras deus nobis etiam quietis  
Opprimet hostem.  
Curribus, telis, animisque cælum  
Territent isti, strepitent, fremantque,  
Nos dei nostri ueneranda saluos  
Nomina reddent.

Επιὶ τῆς ἰσθμοῦ Μωσὶς post transitum  
maris rubri, Exod. xv.

Ode tricolos tetraastrophos, qualis Prima.

**C**Antabo grato pectore nomina  
Et facta regnantis domini Dei,  
Qui roboris ceu signa totum  
Extulit alta sui per orbem.

Equos frementes atque equitum manus,  
Vastis subactos fluctibus obruit,  
Escamque disiectos per undas,  
Piscibus atque feris reliquit.

Hic fortitudo roboris est mei,  
Hunc Musa nostri carminis efferet,  
Hic undique obseptum atque pressum  
Faucibus eripuit malorum.

Dei huic potentis nomina congruunt,  
Hunc laus perennis temporis euehet,  
Hunc & mei patres colebant,

Et



Hunc mea carmina ad astra tollent.  
 Hic bella forti conficit impetu,  
 Omnis potestas hunc dominum feret,  
 Quæ terra quæ cælum uolutat,  
 Nomina magna Dei sonabunt.  
 Fortes quadrigas armæque militum  
 Inuoluit undis, lectæque corpora  
 Tot principum bello potentum,  
 Contudit, atque in aquis refregit.  
 Ut mole depressus lapis intimas  
 Undas subit: sic impia gens aquis  
 Immergitur, littusque iactat  
 Aequoris expositos triumphos.  
 O quanta uirtus quanta potentia  
 Dextra tuæ, qua frangis & atteris  
 Hostem ô Deus, quantisque fundis  
 Viribus, & dare terga cogis.  
 Ut ignis exurit stipulam leuem,  
 Flammisque consumit crepitantibus,  
 Furor tuus sic deuorauit,  
 Qui tibi bella minatus, hostem.  
 Flatu furoris naribus edito,  
 Sternuntur undæ, flumina concidunt,  
 Altum filescit, stant fluenta,  
 Ut rigida glacie coacta.  
 Hostis superlus, persequar hos, ait,  
 Prendâ atque presos ense uero premâ,  
 Presosque perdam, perditorum  
 Me spolijs satians opimis.

D



Tu concitatis per mare flatibus,  
Vndas in ipsos undique confluas  
Duxti: uelut plumbum profundo  
In pelago periere mersi.

Deos quis inter quis similis tui  
Deus, quid usquam sanctius eminet?  
Quis facta possit tot stupenda, &  
Dicere quo decet ore laudes?

Te dexteram tendente tuam, ima eos  
Tellus dehiscens sorbsit, & inferum  
Deuoluit ad Manes, profundis  
Molibus & tenebris coercens.

Tu dux fuisti (quæ bonitas tua est)  
Tuo popello, quem tibi liberum  
Factum, tuum ad montem reduxti,  
Quæ loca tu tibi consecrasti.

Hæc audientes pectora territæ  
Gentes: Palestinam dolor occupat,  
Edom duces, Moabque fortes,  
Pallida membra metu stupebant.

Timore concussi Chanaan nouo  
Quotquot colebant: incidat omnibus  
Iugens pavor, uerique tandem  
Nomina magna dei tremiscant.

Inusitato robore brachij  
Tui, stupefiant ceu rigidus lapis,  
Dum tuta gens pertrāsīt ista,  
Quam tua dextra tibi redemit.  
Ductam locabis sedibus in tuis,



In monte quem sorti tua dextera  
 Delegit æternæ, atque firmum  
 Quem ipse manu propria dedisti.  
 Non clausa stabit sine potentia  
 Villo dei, qui condidit omnia,  
 Cuius manebunt regna, cuncta  
 Secula per reuoluta, & ultra.  
 Inuoluit undis nam Pharium ducem,  
 Bellique currus atque equitum manus:  
 At salua gens electa siccum,  
 Gurgitis in medio tenebat.

CARMEN PASCHALE,  
 seu ode Sapphica de Resurrectione.

Nescio quo mens agitata motu,  
 Quæque flagranti uelut incalescit  
 Spiritu, magnum similis nouumque  
 Parturienti.

Annus arridens nouus, undique  
 Gratiam spargit facie decora,  
 Ver repubescens, modò læta adesse  
 Tempera monstrat.

Daulias cantu Philomela dulci,  
 Astra demulcet, reliquæ & uolucres  
 Gestiunt, tellus reuirescit, atque  
 Parturit arbor.

Dij



Arua fecundi zephyri relaxant,  
Induit pictum grauis herba florem,  
In suos foetus genitale tempus  
Solvitur omne .

Tum noui corpus reparant calores,  
Sanguis & uenis salit inualefcens,  
Redditur rebus sua iam iuuenta  
Florida cunctis .

Causa tantorum puto gaudiorum est,  
Quod resurgentem dominum salutant,  
Illius sancto recreata flatu  
Cuncta creata.

Languidus mundo incubuit ueternus,  
Mortis & sensu stupuere secla,  
Rebus at uitam rediuiua uita  
Omnibus auget.

Pascha nam toto celebratur orbe,  
Quo iugum presso dominus popello  
Victor excussit, miseris que tristi  
Morte reduxit .

Hei quibus seuis stimulis Tyrannus  
Urget exhaustos, quibus & tributis  
Aggrauat: nec iam modus aut mora ulla est  
Facta labori .

Instat intortis operum flagellis  
Durus exactor, duplicatque pondus ,  
Dupplicat pensum: labor integrascit  
Actus in orbem.

Extruunt urbes, operumque moles ,



Per lutum, limum, lateresque pulsi,  
Terga subsiduntque gemuntque duro  
Pressa labore.

Quid, quod infantes utero rubentes  
Obstetrix omnes perimat iubetur  
Masculos? nulla ut superesse genti  
Semina possent?

Sed magis quo sic furit is premendo,  
Hoc magis crescit pia gens ferendo,  
Fortis erumpens: oneri ut gravata  
Palma resistit.

Altius cordi dolor unde adaetus,  
Regis ardescit: fremit, atque mandat  
Masculos natos rapidis profundi  
Mergier undis.

At Deus pressi populi misertus,  
In manu misit ualida prophetam,  
Mandat & longæ mala seruitutis  
Soluere uincla.

Monstra tot fiunt, simul & stupendis  
Corda miraculis superantur, acres  
Præualent pænæ, neque dura possunt  
Pectora flecti.

Quin magis surgens tumidas in iras  
Barbari Regis furor incalescit,  
Classicum clangens, fugientem adornat  
Prendere gentem.

Concitis feruens fremit arma pubes,  
Viribus, fuluo tegiturque ab ære,

D iiij



Induit corpus crepitâtque circum  
Lamina ferri.

Hic leui instructus uolitat sagitta,  
Gnosys arcus calamis adaptans,  
Ille bellaci gladio, atque curru  
Fulminat iras.

Tota iam campis acie coacta  
Fertur Aegyptus: ferit alta coëli,  
Splendor armorum: medio Tyrannus,  
Agminis ardet.

Interim ductu pia gens prophetæ  
Impotens fertur, loca per silentis  
Dura deserti, neque spes salutis  
Vlla uidetur.

Nam maris rubri residens ad undas,  
Hinc & hinc septa est scopulis & alto,  
Sæuus à tergo fera bella tentans,  
Imminet hostis.

Iam diem Phœbus nouus excitabat,  
Funditur castris animosa turba,  
Se parans pugna: rapitur tubarum  
Clangor ad auras.

Tum pius palans populus timere, &  
Auxium littus trepidare circum:  
Ceu quibus pullis Iouis ales uncis  
Vnguibus instat.

[Quid tibi uates pie mens laborat?  
Ore quid clamas tacito? quid arctum  
spiritum ducis? superumque fletu  
Limina pulsas?]



16  
Ergo iam uocēsque precēsque sanctum  
Audiens numen, gemitumque gentis,  
Mandat extemplo maria alta, sacra  
Cuspide tangi.

Ecce res cunctis memoranda seclis  
Dissilit pontus, reuerēsq̃ue sanctas  
Excipit gentes, quibus ipse terram  
Clauserat hostis.

Inuias tutò uia fit per undas,  
In latus scēto bifidum profundo,  
Sternitur siccis pedibus per amplum  
Orbita pontum.

Ducta miratur pia gens aquarum  
In modum muri, quod utrinque moles  
Firma consurgit, tumidiq̃ue fracta  
Murmura ponti.

At Pharon frendens furijs & ira,  
Gentis Hebrææ sitiens cruorem,  
Se mari credit rapidoq̃ue in armis  
Turbine fertur.

Iam maris feruens medium tenebat:  
Coëlitus Moses monitus iubetur  
Rursus, extenta, maria alta, sacra  
Tangere uirga.

Ille adest & iussa facit, ruit mox  
Vnda commissō reuoluta fluctu,  
Et furens circum premit acta nigram  
Gurgite gentem.

Non fugæ cuiquam locus, haurit omnes



Pontus inuoluens, miser ipse curru  
Rex, ab insanis refluísque fertur  
Obrutus undis.

Cúmque adhuc summis in aquis pepēdit,  
Heu, ait, cælo superamur hoste,  
Numini palmam superûm potenti  
Porrigo uictus.

Marte congressus tamen ista iusto  
Non facit: sed uos celeri natatu  
Quà datur uitam socij: parantem  
Plura, reluctans  
Occupat fluctus, rapido rotatu  
Membra contorquens moribunda, terque  
Euomit uersans, rapit inde ad ima  
Tartara mittens.

Efferi motus ubi nunc Tyranne?  
Spiritus quid nunc poterunt superbi?  
Nunc abi, & sancta preme, tunde, uexa,  
pondere gentem.

Tùm uiros, currus, & equos uideres  
Mutuo amplexu fluitare ponto,  
Mox sed absorptos maris ad profundam  
Tendere abyssum.

Quique iam dudum miseri timebant  
Cuncta. securi pelagi, & pericli,  
En suum coram periisse spectant  
Funditus hostem.

Sic Deo quondam placuit furentes  
In suam gentem fremitus domare,

Hunc



*Et nimis longæ mala seruitutis*

*Fata lenare.*

*Nos item multis tenuit Sathanas  
Subditos seclis, domitósque duris  
Legibus, nullo redimente, manes*

*Trusit ad imos.*

*Corda nam densis agitans tenebris,  
Pordite inuoluit uitus nefandis,  
A deo auertens, & ad arte ficta*

*Monstra colenda.*

*Turpis ô turpis nimium, & pudenda  
Seruitus, ô conditio nefanda,  
Mors mihi quàm uita putatur istud*

*Verius esse.*

*At deus multa pietate uictus,  
Secula most multos reuoluta in orbis,  
Misit in mundum genitum antè mundi*

*Secula natum.*

*Hei quid exili referam Camæna,  
Quàm graues nostros subiens labores,  
Sensit ingrati mala quæ ferebat*

*Præmia mundi?*

*Quam diu inuictis tenuit sub armis,  
Hostis, & dira ditione pressit,  
Eripi prædam fremit, & furentes*

*Concitat iras.*

*Concitat gentes, sibi quæ sacrarat  
Regna Iudæ deus ipse, uitæ  
Abnegent Regem, statuántque mortis*

*Iura tueri.*



Ille opus nostræ peragens salutis,  
Emicat contrà, docet, urget, instat.  
Corda miraculis superans, sed ipsa  
Nescia flecti.

Lustra sex, & tres (ut opinor) annos  
Iam ferens, hostem superat potentem,  
Et nouum fœdus, noua regna fuso  
Sanguine condit.

Namque paschalis uelut agnus olim  
Cæsus: in turpem miserè subactus  
Est crucem, nostras luiturus atro  
Funere culpas.

Victimæ nullæ, neque tot colenda  
Quæ dei quondam data lex docebat,  
Sacra, languentis potuere mûdi,  
Tollere crimen.

Hac requirebat deus, hac uel una,  
Hostia mundi scelus expiari.  
Indè peccato nihil esse disce  
Fœdius illi.

Riuus hinc sacri resilit cruoris,  
Hinc noui manat fluius lauacri,  
Quæis sui labem pia gens reatus  
Eluit omnem.

Morte sic mortem uoluit domare,  
Morte sic hostem uoluit fugare,  
Morte sic uitam uoluit parare  
Cristus Iesus,

Nulla sed diri Phlegetontis ira,  
Nulla nec mortis ualuit potestas,



Huius infractum superare robur,  
Viribus ullis.

Marte congressus nimium secundo,  
Impetus hostis ualidos refregit,  
Emicans uictor, super astra uexit,  
Clara trophæa.

Iamque collisum superans, superbis  
Vinxit exutum spolijs Sathanam,  
Inferum portas & iniqua castra  
Diruit hostis.

Fortis ut Samson peritura quondam,  
Colla subiecit domui reuulsa,  
Quò feros hostes moriturus ipse  
Perdere posset.

Vinculis idem uigilique cura  
Septus, erumpens medios per hostes,  
Abstulit fractas & in alta tractas  
Cardine portas.

Hic leo, scuum domuit leonem,  
Atra serpentis tulit iste serpens  
Toxica, & fusum Goliad suo ipsum  
Ense peremit.

Inferis autem domitis, & ipsa  
Morte deuicta, dominus resurgens,  
Claustra quæ nobis fuerant, reclusit  
Cælica regna.

Pincipum quæcumque fuit potestas,  
Soluit, & quæcumque fuere iura  
Mortis induxit, monumenta in alto  
Stipite figens.

E



Nulla iam nobis potis est nocere  
Pestis inferni, stimulus nec ille  
Mortis: hæc, victor quia Christus ipse est,  
Vicimus omnes.

Facta iam quare pia turba Christi  
Latior, sacris epulata mensis,  
Et resurgentis domini triumpho  
Gaudia promit.

Omnis & rerum series, & ille  
Blandiens uultus redeuntis anni,  
Excipit Christum, quia sunt in ipso  
Cuncta nouata.

Sed nouo nobis recolenda cultu  
Festa paschalis celebrentur agni,  
Ut quibus porgit noua consecratum  
Hostia corpus.

Sorde deterfa niteat supellex,  
Corda fermento careant uetusto,  
Imbuant puras nitidasque nostras  
Azyma mentes.

Quò uocat uates domini sequamur.  
Nec deo pugnent animi rebelles.  
Nos nec Aegypti teneat relicta  
Serua uoluptas.

Nos petrae uini recreent liquores,  
Nos cibi cælo reparent ab alto,  
Nos mare emensos liquidum fluenta  
Mystica purgent.

Membra peccato moriantur omni,  
Et uetus nobis homo sit sepultus,



19  
Iunctus ut Christo nouus ad superna

Regna resurgat.

Quod dies tandem faciat supremus,  
Cum tubæ tellus sonitu tremiscens  
Angeli, reddat rediuiua ab imis

Membra sepulchris.

Tum uelut semen scrobibus sepultum  
Exilit, latos dominans per agros,  
Nos noua exceptans, capiti duci que

Gloria iunget.

Tum grauem corpus ueteremque molem  
Exuet tandem, speciemque diuum  
Induet, liber repetet que cæli

Spiritus arces.

Tum novos cælos uideas, nouumque  
Veraget tempus, uitis que nostris  
Quæ dolens rerum facies laborat,

Restituetur.

Tum uelut cælo uarijs relucet  
Ignibus stellæ, sua quemque uitæ  
Per fidem ostendent merita, atque in alta

Astra reponent.

Tum deum clara dabitur suorum  
Corpori mixtum facie uidere,  
Visio quæ nos beat & beatos

Seruat in æuum.

O diem qui me fragiles solum  
Corporis nexus, animorum ad illos  
Colliget cætus, satians perenni

Lumine uitam.

E ij



Spiritus i nunc Epicure uersans  
Corde securos, reliqua an futura est  
Vita, & humanis pia num mouentur

Numina rebus.

Senties, cum te uelut hircum olentem  
Pastor à ueris ouibus repulsum  
Sistet ad læuum, paleasque sparget

Mystica uanus.

Sed tenor rerum manet idem, & illos  
Fata si tollunt, alios reponit  
Vita, mutati nihil est: futura

Desine secla.

O miser, quondam male sic futuri  
Corda securos, rapidus ruensque  
Fluctus inuoluit, miserósque uasto

Gurgite mersit.

Quasque iam mundi facies repostas  
Cernis, has ipsas elementa soluens  
Ignis absumet, rapient ferentque

Omnia flammæ.

Sed moras istis patiens piúmque  
Numen indulget, tamen esse tardum  
Hinc caue credas: citò ceu procella

Obruet orbem.

Quin proba sic te potius, futuro  
Iudici possis pius ut probari,  
Sic piúm accensus numero, parata

Regna capeßes.

O deus qui tam miseram uolebas  
Filium mortem proprium subire



Et resurgendo sibi gloriosam  
 Querere palmam,  
 Da tuis quicquid fuerit, ferendo  
 Vincere, & longum uitij ualere  
 Dicere: & uitæ nouitate porro  
 Viuere posse.

Angeli nec nos fluuio sacrati  
 Sanguinis tinctos, gladius cruentus  
 Hauariat, qui tot rigidus furēsque  
 Vulnera miscet.

Nosque ab Aegypti tenebris profectos,  
 Lux agat, firmis radijs coruscans,  
 Dēq; ue promissas, requiem laborum,  
 Tangere terras.

Gratias summas tibi Christe summe  
 Soluimus, qui nos per acerba mortis  
 Flagra seruasti peramena reddens,  
 Gaudia uitæ.

*Psalm. ii. Quare fremuerunt gen-  
 tes: Argumentum.*

Regna & potentiam mundi frustra  
 aduersus æternum Christi regnum niti.  
 Ode Saphica. Paraphrasis.

**Q**uid nouos gentes acuiunt tumultus?  
 Bile quid feruens iecur intumescit?  
Aestuat quid tam populus furore  
Aetus inani?



Principes, Reges, populi potentes,  
Consuunt fœdus, cocuntque in unum  
In Deum, quemque ipse parauit unctum.

Chrismate regem.

Sic enim secum tumidi loquuntur,  
Imperi fasces, & iniqua iuncta,  
Dura cervici iuga facta nostræ  
Excutiamus.

Nulla nos unquam subiget potestas,  
Quæ libent, posthac etiam licebunt,  
Liberi iunctis agitemus omne  
Viribus ævum.

Lucida sed qui sedet arce cœli,  
Arduum nutu quatiens olympum,  
Ista ridebit, mediumque stultis  
Porriget unguem.

Quin suam surgens aliquando in iram,  
Impetus terrens reprimet superbos,  
Hæcque ad insauos subito loquetur  
Mista furore.

Hunc ego hunc, regem statui Sionis  
Quem mihi montem uolui per orbem  
Esse sacratum, mihi qui sacratos  
Ferret honores.

Ergo subsidant animi, tument  
Mente sublatis, mea nec mouete  
Regna, quæ semper tenui, meum nec  
Tangite Christum.

Cumquæ iam talis mihi uox parentis  
Constat, æternum celebrabo numen

Eius



Eius, & totum documenta faxo hæc  
Nota per orbem.

Regna nec summo: dominus sed ipse  
Dixit, æternus mihi tu uocaris  
Gnatus, æternum ac hodiè meo qui  
Proditus ore es.

Postula quas uis tibi cumque gentes  
Orbis, hæredem dabo, quæ patefcunt  
Termini terræ, tibi uterque Phæbus  
Seruiet uni.

Gonteres sceptro populos feroces  
Ferro, duras subigè que gentes,  
Testa ceu, quauis facili retusa  
Dissilit ictu.

Ergò iam Reges sapite, & patentis  
Iudices terræ, finite edoceri  
Vestra quas insit Deus ipse sanctas  
Pectora leges.

Numini æternum domini timendo,  
ferte subiecti meritos honores,  
Vestra conceptos incant in ipso  
Pectora plausus.

Osculo exceptum decorate natum  
Candido, ne si dominus per iram  
Arserit, uobis gravis, excidatis  
Sorte beatam.

Illius nam cum grauis ira flammæ  
Concipit, feruens citò cuncta uertit,  
O suis fælix nimium bonis, qui  
Fidit in illum.



*Psalm. Domine quid multiplicati sunt.*

*Argumentum.*

*Aduersus aduersariorum impressionem quiritatio, &  
spe diuini auxiliij, sui confirmatio.*

*Paraphrasis.*

*Ode dicolos dystroph. Horat. li. i. Od.*

**C**Ur tanto numero, deus,  
In me tanta cohors irruit hostium?

Et me tanta premunt mala?

Intentata furit mors fera, plurimi

Insurgunt capiti meo,

Insultantque animæ, talia dum mihi

Dicunt: sp̃ei reliquum in deo

Isti iam nihil est, nulla salus, deus

Ipsū deserit in malis

Expertem auxiliū, quem sibi ferre opem

Laetarat miser, hætenus.

Sed quàm quisque uolet clāmitet, attamen

Tu defensor es unicus,

Firmū præsidium, dulce decus, salus,

Exaltānsque caput meum

Contingam facies uertice sydera

Et coelestibus inferes.

Te nunquā dominum sollicita prece

Frustrā in uota uocaueram.

Tu de monte sacro dexter ades mihi,

Quæ te cumque peto ferens.

Excludens igitur tristitiam & metum,



sunt.

Altum corpore dormiam,  
 Inter tanta mala, idem quoque cum uolam,  
 Somnos excutiens graues,  
 Mandabo laqueos hostibus improbis.  
 Nam tu semper ades mihi:  
 Vires sufficiens auxiliumque, ne  
 sauis opprimar hostibus.  
 Vnde inuictus ero, proposito neque  
 Me quassabit iners timor,  
 Circum milia uel si populi strepant,  
 si fracti immineat fragor  
 Orbis: Surge deus fer solitum, precor,  
 Pacis praesidium mihi.  
 Hostes qui toties fundis, agis, teris,  
 Quorum fortiter ictibus  
 Maxillas laceras, & ualido premens  
 Dentes conficis impetu.  
 Solo certa salus à domino uenit:  
 Qui solus populum suum  
 Aeternis recreans accumulât bonis.

*Psal. iij. Cum inuocarem.*

*Argumentum.*

Afflictiones piorum & successus impiorum non agro  
 expendendos esse animo. Solitum enim deo, miris modis  
 suorum sortem temperare.

*Paraphrasis.*

Ode dicolos distrophos qualis illa

Horat. Soluitur acris hyems.

Lib. I. Carni.

E 4



Ad te confugio querula prece, me benignus audi,  
O omnium spes & salutis auctor.  
Iustitiæque mea fons unice, qui meum ampliasti,  
Augustijs cor undiquaque pressum.  
Respice me, miscrere mei (solutum tibi) & salutis  
Opem roganti ferre ne recusa.  
O quid dura, uiri, sic pectora uestra comparatis,  
Et tanta frustra cura uos fatigat?  
Ut mea perpetuum maculetur gloria, atque nomen  
Altis tenebris obrutum silescat?  
Quid uos transuersos rapiunt mendacia? atque tantæ  
Quid pertinaces uanitatis estis?  
Quem deus affligit periisse putatis, & beatos  
Qui sorte florent splendida & superba.  
Sed scitote deo quod uisum est tractitare sanctos,  
Miris modis, & sic beare tandem.  
Per mala, per casus uarios, per probra, perque mortem,  
Dat ille uitam, gloriamque ueram.  
Ille meam facilis, quoties clamore eum laceffo,  
Orationem suscipit precantis.  
Vos igitur quos fors premit impatentia, & doletis  
Super proborum sorte & improborum.  
Iudicia alia timete dei, ne mentis impotentes  
Pecetis, & uos motus iste perdat.  
Quin potius querulo uobiscum corde colloquentes,  
Vestro in cubili supplices silete.  
De quæ bono nec uos malus auferat error, ô beatos  
Si uera nostis quæ bona expetantur.  
O deus ô fer uera bona, & clarissimo tui nos  
Dignare uultus lumine & fauore.



Qui mea laticia repplesti pectora, agra solans  
 Et nubibus cor obsitum serenans.  
 Horrea distendant alij sua, falcibusque uitem  
 Premant Calenis, & falerna uina,  
 Vnguentoque oleoque fluant, quod uel tulit Venafrum,  
 Non hæc moror, tu certa spes salutis.  
 Vnde ego couposita requiescam mente, dormiámque  
 Vtrasque in aures, nec mouebor istis.  
 Nam tu me fulcis, pater optime, dirigis iubésque  
 Tenere me spem hanc, anchoram salutis.

*Psalm. uerba mea auribus percipe.*  
*Argumentum.*

Falsos doctores & pertinaces mendaciorum concin-  
 natores à deo euersti, pijs interim latis & gloriabundis  
 in deo animis, conseruatis.

Ode tricolos tetraastrophos qualis illa Hor.  
 Quis multa gracilis te puer in rosa. Lib. I. Ode. V  
 Paraphrasis.

Verbis queso meis da faciles deus  
 Aures, uota mei suscipe pectoris  
 Intentus, nequæ sperne  
 Mentis sollicitæ preces.

Numen namquæ tuum rex: deus & salus,  
 Quo non est aliud quod mihi ferre opem,  
 Maius possit, adoro.  
 Tu quas mane preces paro.

F iiij



Exaudi, radios sol ubi sparserit  
Summo mane nouos, templa petam tua,  
Observare paratus,  
Quid tu praesidij paras.  
Namquē iniusticiam non deus es probans,  
Nec te contiguīs sedibus improbi  
Contingunt, neque constant,  
Insani ante oculos tuos.  
Odisti, studio qui male facta habent,  
Et quæ falsa crepant, ora premis uaga,  
Horres cedis amantes,  
Versantēsq̃ue dolos malos.  
Ipse autem (bonitas nam tua maxima est  
Qua fretus mea spe pectora fulcio)  
Accedam tua templa,  
Et sancta, reuerens tui,  
Orabo prece, tu iusticiæ tuæ  
Monstra quæso uiam, ne ferar hostium  
In fraudes, mea coram  
Te uestigia dirige.  
Veri illis labium nam nihil asserit,  
Et fecunda scatet pectore uanitas,  
Quorum guttura foeda  
Dices laxa sepulchra, quæ  
Externa specie culta nitent probè,  
Intus sed sanie & sordibus obsita,  
Spirant omnia mortes,  
Attactuque necant suo.  
Confidens, petulans, docta dolos, potens,  
Vt blandum loquitur lingua uolubilis,



In conuicia pendens,  
 Fraudum prodiga & impudens.  
 Iusto hos iudicio tu deus opprime,  
 Et ceptum tumidis consilium excute,  
 Nam nullum impietati  
 Effrenæ statuunt modum.  
 Nec cessant miseri te magis ac magis,  
 Iritare suis motibus, & tuo  
 Semper, corda rebelles,  
 Parere imperio negant.  
 At lætis animis tempora transigant,  
 Qui te præsidium constituunt suum:  
 Semper te sibi dextrum  
 Præsentemque habeant deum.  
 Et te recta suam pectora gloriam  
 Iactabunt, tua quæ nomina diligunt,  
 Qui immensa pietate,  
 Iustos accumulas bonis.  
 Tu nos summe deus, ne malus implicet  
 Error, consolida, protege, & undiquè  
 Ceu scuto ualido nos  
 Circumdet tua gratia.

*Psalmus Septimus: Domine deus  
 meus in te speravi.*

*Argumentum.*

Orat aduersus eos qui innocentis famam falsis crimi-  
 nibus impetunt atque proscindunt.



Ode dicolos distrophos, qualis Horat,  
Laudabunt alij claram Rodon: Lib. 1. Car.

Paraphrasis.

O deus ô cuius pia numina totus adoro,  
In quo spes mihi summa salutis,  
Hoste premente, metu, facias, sim tutus ab omni,  
Et capiti defende pericla.  
Ne me, ceu rabie leo feruidus, auferat hostis,  
Et lamiet nullo auxiliante.  
Si quid tale deus concepi mente, quod iste  
Obiectat, uel tale quid unquam  
Commisi, manibusue meis quid adheret iniqui,  
Si turbaui pacis amantem,  
Si spoliare meum statui sine causa inimicum,  
Deniquè si cui damna creauit:  
Hostibus obiectus meritas dem sanguine pœnas,  
Supplicium nequè deprecor ullum.  
Proterar in terris, alto ceu puluere mersa,  
In nihilum mea gloria uergat.  
Surge deus, instasque ferox te collige in iras,  
Hostilesque retunde furores.  
Indue te solitum robur, quæ tu ipse dedisti,  
Lapsantem me in regna repone.  
Tequè deum uero celebrans ecclesiæ cultu,  
Circumstet, quam propter in altum  
Erige te, uirésque tuas ostende potentes.  
Qui imperio populos regit omnes,  
Hunc sperate deum memorem fandi atquè nefandi,  
Si mortalia nulla timetis.  
O deus obiecti tu uindex criminis esto,

Cuius



Cuius scis mea pectora pura.  
 Impia deficiant, tu dirige pectora iusta,  
 Quorum etiam discrimina solus  
 Nosti, qui renes scrutaris, & intima quæque  
 Exploras penetralia cordis.  
 Ipse mihi deus est clypeus, seruantia recti,  
 Qui semper pia pectora seruat.  
 Iustus enim est iudex, bona qui probat, improba damnat,  
 Cuius ut est patientia magna,  
 Sic quoque perpetuo sceleratos tempore panis  
 Afficit, in mala plurima cogens.  
 Et nisi consilium qui nunc extrema minatur,  
 In melius conuerterit hostis,  
 In me si pergit gladium distringere acutum  
 Atque arcum contendere, telis  
 Lathiferis, quæ tota madent imbuta ueneno,  
 Quæque meo iam sufficit hosti:  
 En feret exitium: quæ uersat pectore uanis  
 Consilijs, elusa peribunt.  
 Quis dolus aut dolor est, quem non conceperat in me?  
 Quid non parturit usque nefandi?  
 Sed nil uascetur, pariet quæ sint paritura  
 Ipsi etiam discrimina uitæ.  
 Incidet in foueam quam exciderat ipse, labore  
 Ecce suo male conficietur,  
 In caput autoris quæ tractat iniqua redundent,  
 Quamque parat, ferat ipse ruinam.  
 Ast ego perpetua celebrabo nomina laude  
 Magna dei, iustissimus ipse  
 Qui falso iustos euoluit crimine, iuste

G



Inuoluens quos crimina damnant,  
Huic soluam grates, huic psallam, hunc denique coelo  
Euectum mea carmina dicent.

*Canticum Magnificat carmine Sap-  
phico redditum. Paraphrasis.*

1 **V**is mea quanta est animæ uigôrque,  
Numen æternum celebrat, colitque,  
Cui nihil totus simile aut secundum  
Continet orbis.

2 Spiritus lætos uolitans per artus,  
Plenus exultat, facilisque gestit,  
In deo, qui fert mihi que omnibusque,  
Dona salutis.

3 Me per obscuræ nihili que tandem  
Sortis ancillam miserans leuanit:  
Nulla non ætas, mea ab hinc beata  
Nomina dicet.

4 Dotibus quæis me cumulauit auctam,  
Cuncta qui dextra subigit potenti?  
Illius sanctum super alta nomen.  
Astra ferendum.

5 Quin suæ cunctis miserationis  
Larga transfundit bona, per nepotes  
Vltimos, qui ipsum redamant pium que  
Numen adorant.

6 Brachio contra ualido potentes,  
Hostium uires reprimat suorum,  
Frangit & motus animi superbo



## Corde tumentes.

- 7 Detrahit regni folio potentes,  
Euehit magnis titulis iacentes,  
Respicit qui sunt humiles, & idem  
Despicit altos.
- 8 Subleuat, fulcit, fonet, auget, implet,  
Fonte inexhausta bonitatis omnes,  
Vera qui expectant bona: diuites di-  
mittit inanes.
- 9 Iam suum Israël puerum benignus  
Suscipit tandem, memor illius qua  
Cuncta dispensat pietatis, & qua  
Secula seruat.
- 10 Sicut & nostris patribus relata  
Dicta confirmant, Abrahæ ipsiusque  
Semini, & cunctis fore firma facta hæc  
fœdera in æuum.

Precatio ad deum pro liberatione  
à malis quibus hæc Ecclesiæ &  
Reip. tēpora cōflictata sunt.

O Deus æterno qui cælum numine torques,  
Quique hunc immotis conseruas legibus orbem,  
Æternus, sapiens, iustus, clemensque bonusque,  
In mundum missi qui nos per uulnera nati  
Adseris, adserisque æterno pignore firmas.  
Aspice quam uario sunt omnia mota tumultu,

G ij



Et quanta fragiles urgemur mole malorum.  
Horrida tempestas fatalibus aucta procellis,  
Incubuit terris, & sanctam turbine primum  
Corripuit nauim: propria statione solutam  
Impulit intorquens, mox flatibus egit in altum,  
Obiectam pelago & sæuim stridentibus austris.  
Iamque diu afflictam iactauerat æquore toto,  
Arma natant dispersa salo, non ucla gubernat  
Excussus rector, data fusis undique uentis  
Ludibrium fertur, coecos illiditur acta  
In scopulos, & iam medijs uix exat ab undis.  
Quodque magis miserum: iam tempestate remissa,  
Et condensatis dispulsis nubibus ipsa  
Linquntur in medio, tabulis hinc inde reuulsis,  
Tuta petens, ut quisque potest ad littora tendit,  
Et sese in portum quem porgunt proxima condit.  
Dèin agitat etiam ualido Respublica uento,  
Ingentes hausit fluctus compage soluta.  
Maiorum moto turbantur limite fines,  
Et mutata nouis perdunt uetera omnia laudem:  
Flagrarant magnis hinc seditionibus urbes,  
Atque adeò ingentes traxerunt regna ruinas.  
Corrupti mores: positus mens libera frenis  
Antiqui non ulla uidens exempla pudoris,  
Soluitur, & uitæ laxas effundit habenas.  
Externus non regna ferox turbauerat hostis,  
Nostræque necrabies pulsauit mania Turca,  
Interno feruens desæuit motus ab hoste,  
Atque intestinis in uulnera uiribus itum.  
Tot Bellona furens orbi dominata per annos,



Immissuque animis rerum temerarius ardor,  
 Gedibus & diris vastarant cuncta ruinis:  
 Urbibus his urbes, gens genti, regnaque regnis  
 Sunt commissa, suisque malis collissa fatiscunt,  
 Damna, rapina, fugæ, mortes, incendia, luctus,  
 Tot fuerant rapidos quot uoluunt æquora fluctus.  
 Et grauiora etiam, uictos miserisque manerent,  
 Ni deus è tantis merfos euolueret undis.  
 Excipit hæc mala dira fames, & tristis egestas.  
 Terra inculta iacet, cultore in bella ruente,  
 Quæ uerò excolta est, duroque subacta labore,  
 Fœnore non solito sibi credita semina reddit.  
 Sydera non letis aspectant uultibus orbem,  
 Nec uim nascendis indulgent rebus eandem,  
 Quam quondam terris non auersata tulere.  
 Olim fœta parens rerum, traxisse senectam,  
 Viribus effætis, & iniquior esse uidetur:  
 Quod tamen in partus egre transfundit alendos,  
 Heu miserris interceptur: iam sanguine membris,  
 Emissa toties, ex angustia corpora languent.  
 Adde, quod infesta tentantur corpora peste,  
 Quæ sic mortifero corruerat omnia tabo,  
 Ut quos absumptos non hauserat hosticus ensis,  
 Hos aut ante diem præsentis funere tollat,  
 Aut sic afficiat fuso per membra ueneno,  
 Viribus absumptis, ut iam uix ægra trahantur  
 Corpora quæ dudum steterant in flore iuuentæ.  
 Quid tot carnifices, qui nunc grassantur in omnes,  
 Hic referam morbos? homini non tristia tantum  
 Fata intentantes, uerùm his animalia terræ,

G ii



Vsibus humanis quæ sunt data, conficiuntur.  
Postremò superos in perdita secula nostra,  
Moliri reor exitium, nostrasque sub auras  
Mittere dirarum facies, pœnasque superbi  
Fastus expetere, & contempti numinis iræ.  
Tot conferta ruunt, agitantque gravantque malorum  
Agmina, Cæcropsio quot apes in monte uagantur,  
Aut quot in Aegæo perreptant littore conchæ,  
Quæ quia tu qui cuncta uides pater optime, nosti,  
Aures nolo tuas longo percellere ductu.

Nunc igitur miseri tam duro pondere præssi,  
Talibus & fatis tam longo tempore fessi,  
Ad te confugimus, tua numina sancta precantes,  
Da tandem istorum finem requiemque malorum.  
O deus ô cœli terræque marisque creator,  
Tu sic ueridici dixti per labra prophete,  
Quid tantos acuant fremitus sub pectore gentes?  
Quid me tot populi meditantur inania contrâ?  
Da tumidas mundi subsidere posse procellas,  
Et positis tandem mitescere tempora bellis.  
Iratumque mare & uentos compone procures,  
In medio serua luctantem gurgite nauim,  
Obruta collisis ne dissoluatur ab undis.  
Sectarum totis diffusa examina terris  
Disiice, & insanos compeſce, retunde furores.  
Da tua Apostolicis uulgari dogmata linguis,  
Quæ tuus effuso plantauit sanguine gnatus,  
Quæque actis iam sunt radicibus aucta per orbem.  
Dispersum afflictumque gregem rege, collige, serua,  
Composita ut perſtet tua sancta Ecclesia pace,



Et quicquid ferri est priscum reuocetur ad aurum.  
 Pectora qui fingat, disiunctâque iungere possit,  
 Veri & pacis amans, sit spiritus omnibus idem.  
 Noxia cuncta aufer, morbos, pestemque famemque,  
 Et da quæ miseram possint deffendere uitam.  
 Sint in honore suo, diuinæ Palladis artes,  
 Et Musis sanctas sua dona ferantur ad aras,  
 Antiquæ uigeant leges, ius, fasque fidésque,  
 Mutua pax, ordo, studium uirtutis amicitia:  
 Hac sunt quæ intenti precibus contendimus omnes,  
 Audi sancte pater, uocesque & uota tuorum.  
 Suscipe, spes miserum, defensio, turris, Asylum.  
 Auersum neque te precibus peccata tuorum  
 Reddant, nec culpæ ueniam auxiliûmque morentur.  
 Adsumus, adque tuas flentes pronoluimur aras,  
 Ultrò accusantes mala quæ commisimus omnes,  
 Per te perque tuum crudeli funere passum  
 Pro nobis gnatum, nostri miserere precantum,  
 Præsentique leua præsentia sæcla medela.  
 Ne dedigneris tua sancta reuifere regna,  
 Et miseris collapsa modis, & diruta quæ sunt,  
 Instaurare, suo instauratâque reddere honori.  
 Ut sua quæ imperio non submisere potenti  
 Colla tuo, ueniant ultrò & tua regna requirant,  
 Quas tuacumque uocata super sunt nomina gentes,  
 Aeternumque tuas resonabunt carmina laudes,  
 Hac qui consilio eterno facis omnia solus.

Finis precationis.



*Ioannis Vincentii Gigliani Finariatis  
Itali Epigramma ad Lectorem.*

Haecenus in lyricis fertur tenuisse Poetis  
Conspicuo summum Flaccus honore locum  
Nunc Blaccum dulcem Musarum Flaccus Alumnum,  
Aegra conferri non sibi mente ferat.  
Quicquid enim scriptis immiscuit ille leporis,  
Id totum scriptis miscuit iste suis.  
Quin, cum sacra deo canit hic, canit ille prophana,  
Dic mihi lector utri maior habendus honos?  
Haec igitur primi degustamenta laboris  
Gratus habet: posthac fors tibi plura dabit.

Erratula alia obuia sunt: uersiculum hunc  
in precatone carminis Natalis Domini:  
Iures luposque à praesepibus tuis: sic lege.  
Ieros lupos praesepibus à tuis. &c.



